



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱԿԱԿՈՌՈՒՊՑԻՈՆ ԿՈՄԻՏԵԻ
ՆԱԽԱԳԱՀ**

Հ Ր Ա Մ Ա Ն

«19» մայիսի 2025թ.

ք.Երևան № 14-Լ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱԿԱԿՈՌՈՒՊՑԻՈՆ ԿՈՄԻՏԵԻ
ՆԱԽԱԳԱՀԻ 2021 ԹՎԱԿԱՆԻ ՀՈԿՏԵՄԲԵՐԻ 15-Ի ԹԻՎ 02-Լ ՀՐԱՄԱՆՈՒՄ
ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ**

Ղեկավարվելով «Հակակոռուպցիոն կոմիտեի մասին» օրենքի 11-րդ հոդվածի 2-րդ մասի 3-րդ կետով և հիմք ընդունելով «Նորմատիվ իրավական ակտերի մասին» օրենքի 34-րդ հոդվածի 1-ին մասը՝

Հրամայում եմ

1. «Հայաստանի Հանրապետության հակակոռուպցիոն կոմիտեի կանոնադրությունը հաստատելու մասին» Հայաստանի Հանրապետության հակակոռուպցիոն կոմիտեի նախագահի 2021 թվականի հոկտեմբերի 15-ի թիվ 02-Լ հրամանի հավելվածի՝

1) 24-րդ կետում՝

ա. «-Կոմիտեի քննչական առաջին վարչությունը.» բառերը փոխարինել «- Կոմիտեի արդարադատության շահերի դեմ ուղղված, ինչպես նաև իրավապահ մարմինների ծառայողներին վերագրվող հանցագործությունների քննության վարչությունը.» բառերով.

բ. «-Կոմիտեի քննչական երկրորդ վարչությունը.» բառերը փոխարինել «- Կոմիտեի տնտեսական գործունեության դեմ ուղղված կոռուպցիոն բնույթի հանցագործությունների քննության վարչությունը.» բառերով.

գ. «-Կոմիտեի քննչական երրորդ վարչությունը.» բառերը փոխարինել «- Կոմիտեի հանրային ծառայության շահերի դեմ ուղղված կոռուպցիոն բնույթի հանցագործությունների քննության վարչությունը.» բառերով.

դ. «-Կոմիտեի քննչական չորրորդ վարչությունը.» բառերը փոխարինել «- Կոմիտեի սեփականության դեմ ուղղված կոռուպցիոն բնույթի հանցագործությունների քննության վարչությունը.» բառերով.

ե. «-Կոմիտեի քննչական հինգերորդ վարչությունը.» բառերը փոխարինել «- Կոմիտեի անդրազգային, ինչպես նաև կոռուպցիոն այլ բնույթի հանցագործությունների քննության վարչությունը.» բառերով.

զ. «-Կոմիտեի ներքին անվտանգության վարչությունը.» բառերը փոխարինել «- Կոմիտեի ընտրական, ինչպես նաև մասնավոր ոլորտում կոռուպցիոն բնույթի հանցագործությունների քննության վարչությունը.» բառերով.

է. «-Կոմիտեի օպերատիվ-հետախուզական վարչությունը.» բառերից առաջ լրացնել «- Կոմիտեի ներքին անվտանգության և վերահսկողության վարչությունը.» բառերը:

2) 41-րդ կետում՝

ա. «առաջին, երկրորդ, երրորդ, չորրորդ և հինգերորդ» բառերը հանել.

բ. 1-ին ենթակետում «առերևույթ կոռուպցիոն» բառերը փոխարինել «իրենց ենթակայությանը վերապահված և այլ ենթադրյալ» բառերով:

3) 42-րդ կետում՝

ա. «անվտանգության» բառից հետո լրացնել «և վերահսկողության» բառերով.

բ. 5-րդ, 8-րդ և 12-րդ ենթակետերն ուժը կորցրած ճանաչել.

գ. 11-րդ ենթակետից հետո լրացնել 11.1)-11.12)-ին ենթակետերով՝ հետևյալ բովանդակությամբ.

«11.1) նախաքննության և օպերատիվ-հետախուզական գործունեության կազմակերպման ոլորտում իրականացնում է Կոմիտեի հիմնական մասնագիտական կառուցվածքային ստորաբաժանումների՝ վարչությունների և բաժինների գործունեության վերահսկողություն.

11.2) Կոմիտեի հիմնական մասնագիտական կառուցվածքային ստորաբաժանումների՝ վարչությունների և բաժինների պետերի կողմից քրեական վարույթներով դատավարական իրավունքների և պարտականությունների, ինչպես նաև օպերատիվ-հետախուզական գործունեության իրականացման արդյունավետությունը գնահատելու և գործնական օգնություն ցուցաբերելու նպատակով իրականացնում է ուսումնասիրություններ.

11.3) Կոմիտեի նախագահի հանձնարարությամբ ուսումնասիրում է քրեական վարույթներ և ներկայացնում է զեկույց՝ նախաքննության արդյունավետ կազմակերպման և իրականացման վերաբերյալ.

11.4) Կոմիտեի նախագահի հանձնարարությամբ ուսումնասիրում է հաշվառման գործեր և ներկայացնում է զեկույց՝ օպերատիվ-հետախուզական գործունեության արդյունավետ կազմակերպման և իրականացման վերաբերյալ.

11.5) ուսումնասիրում է Կոմիտեի քննչական վարչությունների վարույթում քննվող առանձնակի բարդություն, հասարակական հնչեղություն ունեցող, առանձնապես ծանր հանցագործությունների այն դեպքերը, որոնցով պարզված չէ քրեական հետապնդման ենթակա անձը, ինչպես նաև քրեական հետապնդման ժամկետները երկարացված քրեական վարույթները՝ նախաքննության ընթացքում հնարավոր քրեադատավարական խախտումները բացառելու, առկայության դեպքում ի հայտ բերելու, ինչպես նաև ըստ անհրաժեշտության գործնական օգնություն ցուցաբերելու նպատակով.

11.6) քննարկում է դիմումները, հարցումները և բողոքները պետական և տեղական ինքնակառավարման մարմիններից, կազմակերպություններից ստացված գրությունները, միջնորդությունները, հաղորդումները, իսկ օրենքով նախատեսված դեպքերում դրանք ուղարկում է վարույթն իրականացնող մարմնի քննարկմանը.

11.7) Կոմիտեի քննչական վարչություններում քննվող քրեական վարույթներին առնչվող դիմում-բողոքներում, միջնորդություններում պետական և տեղական ինքնակառավարման մարմիններից, կազմակերպություններից ստացված գրություններում նշված հանգամանքները ստուգելու նպատակով ուսումնասիրում է քրեական վարույթները՝ նախաքննության ընթացքում թույլ տրված հնարավոր քրեադատավարական խախտումներն ի հայտ բերելու, ինչպես նաև ըստ անհրաժեշտության գործնական օգնություն ցուցաբերելու նպատակով.

11.8) ուսումնասիրում է Կոմիտեի քննչական վարչություններում մեկ տարուց ավել քննվող քրեական վարույթները, որոնցով իրականացվում է հանրային քրեական հետապնդում կամ հայտնի է առերևույթ հանցանք կատարած անձի ինքնությունը՝ նախաքննության ձգձգման պատճառները պարզելու և ըստ անհրաժեշտության գործնական օգնություն ցուցաբերելու նպատակով.

11.9) վերահսկողություն է իրականացնում Կոմիտեի քննչական վարչությունների ինքնավար պաշտոն զբաղեցնող անձանց կողմից Կոմիտեի նախագահի կամ նախագահի՝ ոլորտը համակարգող տեղակալի՝ նախաքննության կազմակերպման և իրականացման ոլորտին առնչվող հրամանների և հանձնարարականների կատարման նկատմամբ.

11.10) հսկողություն է իրականացնում Կոմիտեի քննչական վարչությունների ինքնավար պաշտոն զբաղեցնող անձանց կողմից արդյունավետ նախաքննության իրականացման համար օրենսդրությամբ նախատեսված իրավական գործիքակազմի գործարկումն ու միատեսակ կիրառումն ապահովելու նկատմամբ.

11.11) սույն կետի 11.10-րդ ենթակետով նախատեսված գործառույթների իրականացման ընթացքում առաջացած խնդիրների լուծման նպատակով առաջարկություններ է ներկայացնում Կոմիտեի նախագահին՝ դրանց լուծմանն ուղղված օրենսդրական փոփոխությունների նախաձեռնությամբ հանդես գալու կամ ներքին իրավական ակտերի ընդունման անհրաժեշտության վերաբերյալ.

11.12) Կոմիտեի նախագահի հանձնարարությամբ, սույն կանոնադրությամբ և այլ իրավական ակտերով նախատեսված դեպքերում իրականացնում է այլ գործառույթներ:»:

2. Սույն հրամանը ծանոթացնել Կոմիտեի հիմնական և աջակցող մասնագիտական կառուցվածքային ստորաբաժանումներին:

3. Սույն հրամանն ուժի մեջ է մտնում ստորագրմանը հաջորդող օրը:

**Արդարադատության առաջին
դասի խորհրդական՝**

19.05.2025

X



Ա. Ա. Նահապետյան

Подписано: NAHAPETYAN ARTUR